

Thomas Lindemann

**Programma Quo Academici, omnesq[ue] adeo Literati, ad Disputationem
Inauguralem invitantur, affixum 17. Augusti. Prodecano Iuridicae Facultatis In
Alma Rosarum Thoma Lindemanno I. D. Et Professore**

Rostochi[i]: Pedanus, 1615

<http://purl.uni-rostock.de/rosdok/ppn732479495>

Druck Freier  Zugang



R. U. j. 1615.

Lindemann - Wasmundt. 16

+ Progr.

PROGRAMMA
Quo Academici, omnesq; adeo
Literati, ad Disputationem Inauguralem
invitantur, affixum 17. Augusti.

7752

PRODECANO
JURIDICÆ FACULTATIS IN
ALMA ROSARUM

THOMA
LINDEMANNO
J. D. ET PROFESSORE.

Universitäts
Bibliothek
Rostock



ROSTOCHJ
Typis JOACHIMI PEDANI, Acad. Typog.
ANNO M. DC. XV.

certisq² actionum formulis adinventis, illustrarunt, sed ea tam sanctas & religiosas reputarunt, ut jus ijs comprehensum non publicè docendum, sed Collegio pontificum, f. Cto Pomponio attestante, veluti dōgev deōv conservandum, & ab ijs non secus ac ex Apollinis Tripode humano generi communicandum ducerent. Quod Cicero divinitus institutum, pro domo sua scribit, ut scilicet ijdem Reipub. qui Religioni praessent, sic & apud Iudeos ipsi Pontifices, apud Gallos Druidae, apud ipsos Germanos Sacerdotes juris & legum studium velut sanctum sibi vindicabant. Rectè namq² statuebant majores nostri vix quemquam nosse res humanas, nisi qui & divinas cognitās haberet, ut Indum, ad Socratem dixisse Eusebius auctor est.

Quamvis verò Appius Claudius juris arcana Pontificibus concedita in ordinem redegerit, ejusq² scriba Cneus Flavius librum hunc surreptum populo tradiderit, adeoq² jus civile, ut Valerius memorat, in penetralibus Pontificum abditum publicavit, & fastos circa

A 2

forum

forum publicè in albo proposuerit, eoque nomine praclarè de Rep. meritis sit, tamen jus civile evulgatum plebiscitis, Senatus Consultis, praetorum edictis, prudentum responsis, adeò auctum, confusum & obscuratum fuit, ut ad ejus scientiam paucissimi pervenerint: quicumque autem in illo genere praclarialiquid praestiterunt, inter quos Sextus Appius, Claudius Sempronius, Scipio Nasica, Q. Fabius & alij eminuerunt, ij adeo invidi extiterunt, ut jus publicè profiteri noluerint, sed interrogantibus tantum de jure responderint. Cujus rationem Tullius de Oratore adsignat: Veteres, inquit, qui huic scientia praesuerunt obtinenda & augenda potentia sua causa promulgari hanc artem noluerunt. Unde usque ad Titum Coruncani tempora nemo extitit, qui jus civile publicè docuerit, sed in latenti (ut Pomponius ait) juris periti retinebant, & consultoribus vacare, quam discere volentibus malebant. Quo tempore difficilis & gravis erat ad Juris sacra accessus. Coruncanius vero ejusque sequaces, ut veteres.

Musa-

Musarum Januas candidas & apertas fin-
xerunt, ita & Themidos penetrabile ingredi
aventibus id minime occludendum, sed scien-
tiam Juris palam docendam esse recte statue-
runt. Sic Seneca ad Lucilium scribens
ait; Omnia qua scio in alium transfundere
desidero: Imo eam sapientiam, qua uni in-
clusa servanda committitur reijcio, nec ullius
boni sine socio jucundam possessionem esse exi-
stimo. Vestigia Coruncanij calcantes com-
plures viri praclari quavis aetate non tantum
de Jure respondendo, sed & publice viva voce
& scriptis id illustrando fontem Juris omni-
bus ejus scientia sitientibus aperuerunt, et ut
Salomon in Proverbijs ait, foras deriva-
runt. Verum cum magnum sit & grave
munus de jure respondendi & jus profitendi,
id non promiscue omnibus ingenij fiduciam
presumentibus, sed ab ordine probatis & au-
thoritate Regia dignis electis ab Augusti Im-
peratoris temporibus collatum est. Adria-
nus Imperator pratorijs viris hoc petentibus
respondit: Id non peti, sed solere & debere, id


est, ut rectè Accursiana glossa explosa, Zasius explicat, non solum petendum & ambiendum, sed praestandum factò scil. petentem eo munere dignum esse comprobandum. Nec enim alius nisi justus & honestus labor, teste Cicerone, honoribus & premijs decorari debet. Unde & Imperator Iulianus sanxit eum qui docere jura imprimis intendit, non repente prosilire ad hoc munus debere, sed judicio ordinis probatum decretum Collegij promeritum, atq; ita conspirante optimorum assensu dignum judicatum esse oportere. Hinc in Alma nostra juxta ac alijs Academijs receptum est, ut petentes quidem summos honores non repellantur, nec tamen ad petitionem solam nisi se tales esse, quales haberi, dici, & honorari volunt, factò praestent, & in Examinibus solitis & privatis & publicis instar auri fornace comprobati, (ut DD. loquuntur) ad quasuis flammam cõstiterint, & puri evaserint, admittuntur. Cum itaq; vir Ornatissimus Doctissimus Dn. P E T R V S V V A S - M V N D T, limpido Juris in Academia nostra scaturientis & affatim effluentis necta-


nectare mentem imbuerit, publicas lectiones sedulo audiverit, lacunas privatas spreverit, & nunc demum laboris exantlati premia à Facultate nostra sibi conferri petiverit, pro laudabili Academia more examini privato sat rigoroso, eum subiecimus: In quo omnes ictus & tela tanta dexteritate excepit, declinavit, gryphos nodosq; juris ea arte dissolvit, ut eum qui summos in Jure gradus ambiat & exambiat dignum judicemus. At cum non sufficiat privatim testimonium, diploma vel bullam obtinuisse, sed omninò publicè de Eruditione Candidati nostri constet, oporteat: Ideo Eum in aciem Academicam publicam producimus, omnibus examinandum & probandum sistimus. Exhibet autem vobis velitationem utilem, juxta ac difficilem de Jure Emphyteuseos, de qua certamen publicum, ad futurum diem, Jovis qui 17. Augusti erit, indicit.

Ut verò id augustius & conspectius non tantum sit, sed & spectatores juxta ac palæstritas fructu optato beet, Magnificum
Recto-

Rectorem, Dominos Professores, Doctores, Studiosos omnesq, Litteratos & Litteratorum amantes rogamus, actum hunc disputationis solemnem presentia sua cohonestare, de Thesibus prepositis nobiscum conferre, & Domini Candidati progressus explorare haud grauentur, id nos grata mente agnoscemus & omni studio demereri annitemur. P P. Rostochij, sub Sigillo Decanatus nostri, 13. Augusti Anno 1615.







the scale towards document

tem imbuerit, publicas lectio-
 ndi verit, lacunas privatas spre-
 nc demum laboris exantlati pra-
 tate nostra sibi conferri petive-
 dabili Academia more examini
 rigorofo, eum subiecimus: In
 Aus & tela tanta dexteritate
 linavit, gryp-hos nodosq, juris
 luit, ut eum qui summos in Jure
 at & exambiat dignum judice-
 cum non sufficiat privatim testi-
 ploma vel bullam obtinuisse, sed
 licè de Eruditione Candidati no-
 porteat: Ideo Eum in aciem
 m publicam producimus, omni-
 andum & probandum sistimus.
 tem vobis velitationem utilem
 cilem de Jure Emphyteuseos, de
 en publicum, ad futurum diem,
 Augustierit, indicit.
 id augustius & conspectius non
 sed & spectatores juxta ac pa-
 tu optato beet, Magnificum
 Recto-